



Broj: 13-11-4-4193/23

Datum: 27. 6. 2023. godine

Na osnovu člana 70. stav (4) Zakona o javnim nabavkama ("Službeni glasnik Bosne i Hercegovine" broj 39/14, 59/22), člana 146. Statuta Općine Novo Sarajevo ("Službene novine Kantona Sarajevo", br. 5/20 - prečišćeni tekst i 20/20 - ispravka) i člana 200. Zakona o upravnom postupku ("Službene novine Federacije BiH", br. 2/98,48/99 i 61/22), a na prijedlog Komisije za javnu nabavku roba, radova i usluga, Općinski načelnik d o n o s i

ODLUKU o poništenju postupka javne nabavke

I

Poništava se postupak javne nabavke „Izrada elaborata o inženjerskogeološkim i geotehničkim karakteristikama terena za dio ulice Orašačka“.

II

Za izvršenje ove Odluke zadužuje se Služba za zajedničke poslove.

III

Odluka o poništenju postupka javne nabavke objavit će se na web stranici www.novosarajevo.ba, u skladu sa članom 70. stav (6) i članom 71. Zakona o javnim nabavkama Bosne i Hercegovine.

Obrazloženje

Postupak javne nabavke proveden je putem otvorenog postupka, a pokrenut je na osnovu Odluke Općinskog načelnika broj: 13-11-4-3889/23 od 11.05.2023. godine

Procijenjena vrijednost javne nabavke sa PDV-om je: 15.000,00 KM (slovima: petnaesthiljada i 00/100 konvertibilnihmaraka).

Obavještenje o javnoj nabavci broj 935-1-2-101-3-133/23 od 01.06.2023. godine. godine u 13⁴¹ sati poslano je na objavu na Portal javnih nabavki.

Komisija za javne nabavke roba, radova i usluga je imenovana Odlukom Općinskog načelnika o pokretanju postupka javne nabavke broj: 13-11-4-3889/23 od 11.05.2023. godine

Iz Zapisnika o otvaranju ponuda i Zapisnika o pregledu i ocjeni ponuda Komisije za javne nabavke roba, radova i usluga je vidljivo da je dana 22.06.2023. godine pristigla ponuda sljedećeg ponuđača:

Red. broj	Naziv i sjedište ponuđača	Ukupna ponuđena cijena sa PDV-om
1.	GEO KONZALTING d.o.o Sarajevo	13.384,80 KM

Iz Zapisnika o pregledu i ocjeni ponuda vidljivo je da se Komisija za javne nabavke roba, radova i usluga sastala dana 22.06.2023. godine u 16.30 sati i konstatovala sljedeće:

Ponudu ponuđača GEO KONZALTING d.o.o Sarajevo Komisija je ocijenila kao neprihvatljivu iz sljedećeg razloga:

Dostavljena potvrda o uspješnoj realizaciji ugovora se odnosila na izradu glavnog geotehničkog i izvedbenog projekta za sanaciju klizišta, dok je tenderskom dokumentacijom u pogledu tehničke i

profesionalne sposobnosti traženo uspješno iskustvo u realizaciji najmanje 1 (jednog) ugovora čiji su karakter i kompleksnost slični onima koji se odnose na predmetni ugovor, Izrada elaborata o geomehaničkim ispitivanjima tla, Glavnog projekta sanacije i projekta geodetskog monitoringa za klizišta.

Potvrda koju je ponuđač GEO KONZALTING d.o.o Sarajevo dostavio odnosila se na uspješno realizovani ugovor, a koji nije ubuhvatao izradu elaborata niti projekta geodetskog monitoringa klizišta koji su traženi tenderskom dokumentacijom.

Iz naprijed navedenih razloga, ponuda ponuđača GEO KONZALTING d.o.o Sarajevo se nije mogla uzeti u dalje razmatranje.

Komisija za javne nabavke roba, radova i usluga je jednoglasno predložila Općinskom načelniku da u skladu sa odredbama člana 69. stav (2) tačka d) Zakona o javnim nabavkama donese Odluku o poništenju postupka javne nabavke, jer nijedna od primljenih ponuda nije prihvatljiva;

U postupku ocjene provedenog postupka Općinski načelnik nije našao razloge, nepravilnosti, niti propuste u radu, koji bi eventualno bili osnov za neprihvatanje prijedloga Komisija za javne nabavke roba, radova i usluga. Naime, u postupku je ocijenjeno da je Komisija u svemu pravilno postupila, te da je Odluka o poništenju postupka javne nabavke donesena jednoglasno, u skladu sa Zakonom o javnim nabavkama, podzakonskim aktima i tenderskom dokumentacijom.

Iz navedenih razloga, primjenom člana 69. stav (2) tačka d) Zakona o javnim nabavkama, odlučeno je kao u dispozitivu ove Odluke.

Pouka o pravnom lijeku:

Protiv ove Odluke može se izjaviti žalba, najkasnije u roku od **10 (deset) dana** od dana prijema.

Žalba se izjavljuje Uredu za razmatranje žalbi Bosne i Hercegovine putem ugovornog organa u pisanoj formi.

Žalba se podnosi u najmanje 3 (tri) primjerka.

Naknada za pokretanje žalbenog postupka plaća se Uredu za razmatranje žalbi, u skladu sa članom 107. Zakona o javnim nabavkama i Instrukcijom Ministarstva finansija i trezora BiH o načinu uplate, kontrole i povrata naknada propisanih članom 108. Zakona o javnim nabavkama BiH, broj: 08-02-2-8303-1/14 od 09.10.2014. godine.



DOSTAVITI:

- a/a
- GEO KONZALTING d.o.o Sarajevo

Općina Novo Sarajevo, ulica Zmaja od Bosne br. 55, centrala telefon (387 33) 492 100

Komisija za javne nabavke roba, radova i usluga

tel: (387 33) 492 2286, fax: (387 33) 492 145, email: javne.nabavke@novosarajevo.ba

Identifikacioni broj: 4200558710008 PDV broj: 200558710008 Porezni broj: 0170333000

Depozitni račun: 1411965320011288 Bosna Bank International d.d.

